

[Home](#) / [2025](#) / [October](#) /

Program “Leafy Offices 2.0” Perkasa Ruang Kerja Sejahtera Sempena ECOFEST UiTM Perak 2025

SINERGI

13/10/2025 / SHAFIKAH SAHARUDDIN



Perak, 7 Oktober 2025 – Sempena sambutan ECOFEST UiTM Perak 2025, Jawatankuasa Kampus Hijau dengan kerjasama Pulau Banding Foundation telah menganjurkan program “Leafy Offices 2.0: Pejabat Bernafas – Tumbuhan & Kompos Untuk Ruang Kerja Sejahtera” yang dikendalikan oleh Unit 2: Green Office. Program ini telah berlangsung pada 3 Oktober 2025 bertempat di Dewan Kuliah Al-Khawarizmi, UiTM Cawangan Perak.

Bengkel ini bertujuan meningkatkan kesedaran tentang kepentingan kualiti udara dalaman (Indoor Air Quality – IAQ) di ruang kerja serta impaknya terhadap kesihatan, produktiviti dan kesejahteraan warga kerja. Antara topik yang dibincangkan termasuk peranan tumbuhan dalaman dalam menyerap karbon dioksida, menghasilkan oksigen dan menapis bahan pencemar seperti formaldehid, benzene dan sebatian organik meruap (VOCs). Bengkel ini turut memberi panduan tentang jenis tumbuhan yang sesuai untuk ruang pejabat, keperluan asas penjagaan seperti cahaya dan kelembapan, serta pemilihan media tanaman yang efektif dari segi saliran, pengudaraan, nutrien dan pH tanah.





Seramai 68 peserta telah menyertai bengkel ini, terdiri daripada wakil pelbagai Pusat Tanggungjawab (PTJ) UiTM serta agensi luar sekitar Perak Tengah seperti Institut Pertanian Titi Gantung, Akademi Bomba dan Penyelamat Daerah Utara, JKR Perak Tengah, Pejabat Kesihatan Daerah Perak Tengah, SK Seri Iskandar, Kolej Vokasional Seri Iskandar dan Persatuan Suri Rumah Rahmah.

Program ini dibahagikan kepada dua sesi ceramah utama. Sesi pertama disampaikan oleh Puan Intan Bayani Zakaria bertajuk “Tumbuhan di Pejabat: Penapis Udara Semula Jadi Anda”, manakala sesi kedua oleh Dr Slawa Ayob dengan tajuk “Penggunaan Baja Kompos untuk Tanaman Dalam Pejabat”. Sepanjang sesi berlangsung, peserta turut berpeluang memenangi cabutan bertuah.

Sebagai nilai tambah, peserta berpeluang melawat dan membeli pelbagai tumbuhan hiasan dalaman yang dijual oleh dua pembekal tempatan di foyer Bangunan Ukur Bahan. Dari sudut estetika, tumbuhan dalaman bukan sahaja memperindah ruang kerja, malah mewujudkan suasana yang lebih segar dan menyenangkan, sekali gus meningkatkan imej pejabat dan kepuasan pekerja.

Program ini merupakan langkah proaktif Unit 2: Green Office dalam memperkasa persekitaran kerja yang sihat dan lestari, selaras dengan aspirasi UiTM untuk mempromosikan amalan hijau dan kesejahteraan warga kampus. Jawatankuasa Kampus Hijau UiTM Cawangan Perak merakamkan penghargaan kepada semua pihak yang telah menjayakan program ini dan menyemarakkan sambutan ECOFEST UiTM Perak 2025.



Tags: [ECOFEST 2025](#), [Pulau Banding Foundation \(PBF\)](#), [UiTM Cawangan Perak](#), [Universiti Teknologi MARA \(UiTM\)](#)

Edisi Kedua CCDB 2025 Perkukuh
 Peranan Mahasiswa Sebagai
Pengkarya Digital Berimpak

YAB Dato' Menteri Besar Selangor
Sampaikan Bicara Tokoh Sempena
MDS UCS

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA
(UiTM)
40450 Shah Alam, Selangor
Darul Ehsan
Malaysia
Tel: +603-5544 2051 / 2000



